

Hwb o £8.75miliwn i Bont Gludo Casnewydd

22/01/2021



Delwedd CGI o Bont Gludo Casnewydd wedi'i hadfer

Bydd pont gludo fwyaf cyflawn y byd yn dod yn atyniad pwysig i dwristiaid diolch i grant o £8.75m gan y Loteri Genedlaethol.

“Bydd y buddsoddiad yma, y trydydd mwyaf a ddyrennir erioed yng Nghymru, yn helpu i gynnal swyddi, cefnogi twf economaidd, sbarduno twristiaeth a chreu ymdeimlad o falchder yn nhreftadaeth unigryw Casnewydd.”

Andrew White, Cyfarwyddwr Cronfa Dreftadaeth y Loteri Genedlaethol yng Nghymru

Mae Pont Gludo Casnewydd yn ne ddwyrain Cymru yn un o ddim ond wyth pont gludo sy'n weddill yn y byd. Wedi'i hagor yn 1906, cludodd y fferi awyr gweithwyr o orllewin Casnewydd ar draws Afon Wysg heb amharu ar draffig i borthladd prysur y dref.

Gwaith adfer

Bydd yr arian yn caniatáu i Gyngor Dinas Casnewydd atgyweirio a diogelu strwythur y bont. Bydd atgyweiriadau mawr yn cael eu gwneud ar y traphont ddwyreiniol, y gondola, trawstiau a phwyntiau angori. Bydd nodweddion pensaernïol coll yn cael eu hadfer, a bydd y bont gyfan yn cael ei hatgyweirio a'i thrin i atal cyrydu.

Fyny fry

Unwaith y bydd y gwaith adfer wedi'i gwblhau, bydd ymwelwyr yn gallu dilyn ôl troed y gweithwyr a adeiladodd y bont drwy ddringo i ben y rhodfa, 55 metr uwchben y d?r.

O'r fan honno, byddant yn gallu mwynhau golygfeydd gogoneddus dros dde Cymru. Bydd ymwelwyr hefyd yn gallu rhyfeddu at y strwythur Edwardaidd anhygoel wrth iddynt fynd ar daith ar y gondola.

Rydym yn hynod falch i gyhoeddi rhodd o £8.75 miliwn i drwsio ac adnewyddu [@NpTbridge](#) ac adeiladu canolfan ymwelwyr newydd <https://t.co/VXoy2VV9pS> [@NewportCouncil](#) [@HeritageFundUK](#) [@LottoGoodCauses](#) [#casnewydd](#) [#pontgludocasnewydd](#) [#DiolchIChi](#) pic.twitter.com/KVFAOE18qD

— Cronfa Dreftadaeth y Loteri Genedlaethol (@HeritageFundCYM) [January 22, 2021](#)

Canolbwynt i ymwelwyr

Bydd y grant hefyd yn ariannu canolfan ymwelwyr newydd, lle gall pobl ddysgu am hanes a threftadaeth y bont a'i hamgylchedd.

Wedi'i chysylltu â'r bont drwy rhodfa, bydd gan y ganolfan siop, caffi, toiledau a chyfleusterau newid a gwell cyfleusterau parcio ceir. Bydd gofod cymunedol hefyd gyda rhaglen weithgareddau helaeth.

Hwb eiconig i Gasnewydd

Dywedodd y Cynghorydd Jane Mudd, arweinydd Cyngor Dinas Casnewydd:

"Mae'r bont gludo yn eicon o Gasnewydd, ac yn rhan sylweddol o stori gorffennol diwydiannol Cymru – un y mae angen i ni ei chadw ar gyfer cenedlaethau'r dyfodol fel y gallwn adrodd straeon ein hanes unigryw. Rwyf wrth fy modd felly ein bod wedi gallu sicrhau'r arian yma gan Gronfa Dreftadaeth y Loteri Genedlaethol a fydd yn ein galluogi i wneud yr union beth hwnnw.

"Mae gan ddatblygu canolfan ymwelwyr newydd y potensial i greu cyfleoedd gwaith a gwirfoddoli, a gwella enw da'r ddinas fel cyrchfan i ymwelwyr, a bydd y ddau yn dod â manteision economaidd ehangach i Gasnewydd."



Gweithwyr yn adeiladu'r bont, a agorodd yn wreiddiol yn 1906.

Buddsoddi yn nhreftadaeth Cymru

Dywedodd Andrew White, Cyfarwyddwr Cronfa Dreftadaeth y Loteri Genedlaethol yng Nghymru:

"Diolch i chwaraewyr y Loteri Genedlaethol, mae Pont Gludo Casnewydd – un o dirnodau hanesyddol pwysicaf Cymru – wedi cael ei diogelu ar gyfer cenedlaethau'r dyfodol.

"Bydd y buddsoddiad yma, y trydydd mwyaf a ddyranwyd erioed yng Nghymru, yn helpu i gynnal swyddi, cefnogi twf economaidd, sbarduno twristiaeth a chreu ymdeimlad o falchder yn treftadaeth unigryw Casnewydd.

"Rydym yn falch o'r buddsoddiad rydym wedi'i wneud yng Nghymru – mwy na £410 miliwn dros y 26 mlynedd diwethaf. Ar ôl blwyddyn o ddarparu cymorth brys i sefydliadau treftadaeth Cymru sydd wedi'u taro gan COVID-19, byddwn yn ailagor ceisiadau am grantiau prosiect y Loteri Genedlaethol cyn bo hir ac yn edrych ymlaen at ariannu llawer mwy o atyniadau treftadaeth pwysig ledled Cymru."

Dysgwch fwy am [brosiectau eraill rydym wedi'u hariannu yng Nghymru](#) a [grantiau sydd ar gael i sefydliadau treftadaeth yng Nghymru](#).

Efallai y bydd gennych chi ddiddordeb hefyd mewn ...

Newyddion

Cyhoeddi cyllid newydd ar gyfer prosiectau amgylcheddol mewn cymunedau yng Nghymru

Mae ceisiadau bellach ar agor i Gronfa Dreftadaeth y Loteri Genedlaethol a rhaglenni grant newydd Llywodraeth Cymru sy'n helpu cymunedau i ofalu am y byd naturiol.

05/06/2020

Siarad o amgylch y tân yng Nghlynfyw

Newyddion

Grantiau cymunedol yn rhoi hwb i lesiant ledled Cymru

Mae ein rhaglen Trysorau'r Ffilltir Sgwâr sy'n cefnogi llesiant meddyliol a chorfforol yn ystod y pandemig coronafeirws (COVID-19) wedi dyfarnu grantiau i 84 o grwpiau yng Nghymru.

20/11/2020

Newyddion

Last surviving D-Day landing craft opens in Portsmouth

Six-year project to restore ship and open it up to the public is completed thanks to £4.7million National Lottery support.

12/12/2020